

E punteronan den futbòl ta sera año ku triunfo

WILLEMSTAD--E eki-po saminero di Jong Colombia, a sera año 2023 ku triunfo, ku skor míni-

mo riba e ekipo di Inter/Willemstad. Ta trata aki di ekiponan number 1 i 2 di aktual temporada di

futbòl, na momentu ku tin un sosiegu, relashoná ku dianan di fiesta di Pasku i kambio di año.

Famia Bicentini kompletu a duna bék na nos hóbennan



Remko i algun hóbén, 5 año pasá, na momentu ku a inisiá ku e bala na kabuya.

WILLEMSTAD--Na e okashon aki, no tabata solamente e konosido eks tékniko di nos selekshon nashonal di futbòl, Remko Bicentini i su Fundashon, pero tambe Remko a konta ku presensia ku algun miembro di familia.

Ta trata aki di su 2 yunan hòmber Kai i David i tambe su yu muhé Noa. Huntu nan tambe ta duna un man, pa ku e Fundashon i nan tata naturalmente, pa ku donashon i ayudonan ku e fundashon ta brinda nos hóbennan i pueblo di Kòrsou. Durante di e último dianan di año, unda famia Bicentini ta pasando dianan di fiesta na Kòrsou, a probechá pa tene hopi mucha riba nos isla kontentu. Entre otro tambe a hasi algun donashon i probechá pa kumpli ku

e pashon di tata, unda ku a pone atension na diferente mucha, pa ku e deporte di futbòl, ku algun bala na kabuya, ku kual nan por desaroyá nan talentonan futbolístico. Ta trata aki di algu, ku Remko a inisiá kuné 5 año pasa, pa hóbennan den bario. Miéntras ku tambe Noa a probechá pa hasi entrega di algun uniforme, ku ta parti di e organisashon den kual e ta praktiká e deporte di hockey na tera friu, MHC. Pues mas di e organisashonnan deportivo for di Hulanda, ku ta kontribúku Fundashon Bicentini, pa pueblo di Kòrsou. Ku esaki, tambe famia Bicentini i hinter Fundashon Bicentini, ta deseá Kòrsou kompletu, un felis año 2024 i ta sigur, ku durante di e año benidero, ku lo por sigui konta ku nan sosten.♦



Remko mei mei di su yunan, Kai, David i Noa.



'Pa' Kastaneer a anotá e úniko gol di wega.

Tabata enkuento ku a mira akshon ayera nochí, na tereno di Willemstad na Kintjan, kual tabata bálido pa e ya tradisional i konosí torneo, 'Fair Play Cup', su edishon pa año 2023, organizá pa e ekipo di kas. Den e promé di e 2 weganan ku a mira akshon ayera, primeiramente tabata futbolista-nan femenino ku a enfrentá otro. Un ke otro na momento ku un selekshon di e ekiponan pariba di brûg, a

topa ku e mihónan di e área pabou di brûg. E partido aki a finalisá den un triunfo, pa goliada ku skor di 4-0, pa e formashon di e mihó futbolistanan di ekiponan di Pariba. Miéntras ku den e wega pa kulminá e anochí, tabata Jong Colombia ku ta

gana di Inter/Willemstad, ku skor mímino. E úniko gol di wega a keda anotá pa 'Pa' Kastaneer, kual tabata for di un tiru penal. Ku esaki tambe futbòl i deporte lokal, ta despedí di año 2023, pendiente pa lo máksimo pa año 2024.♦



E samineronan ku triunfo pa sera año 2023.



Inter/Willemstad a keda kòrtiku na kas ayera.

Louis Talien ta gana último torneo di dam pa año 2023

WILLEMSTAD--E haitiano Louis Talien a demostrá su talento den e deporte di dam. Un ke otro, djaweps último, dia 28 desèmber 2023, durante di e último kompetencia di dam, pa e año aki riba nos isla.

Tabata evento ku a mira akshon den kas di dam, situá na FD Rooseveltweg, kual a konta tambe ku partisipashon di e gran hungadó di dam haitiano, kende ta Louis Talien. Louis a kompetí huntu ku alrededor di 30 partisipante. Un ke otro tabata e kantidat rèkòrt, pa último eventonan di dam, ku e federashon lokal a organisá. E torneo di dam rápido pa sera año 2023, a



Louis Talien, kende a gana e evento di forma invikto.

konta ku un partisipashon rèkòrt, unda ku a hunga segun e sistema suiso 9 rònt. Tabata un evento, unda kosnan a kana rápido i sin ningun problema, ku e partisipante haitiano finalmente

logra e premio máksimo, di forma invikto. E maestro internashonal haitiano, Louis Talien, a sa di gana tur su 9 weganan realisá. Na e di 2 puesto a keda Carlos Lorette, kende a bin ta komandá riba nos isla últimamente. Silvio Blijden a tèrminá e evento na di 3 puesto, sigui pa Nelsen Angela komo di 4.

Federashon di dam Kòrsou, por mira atras, riba un tremendo serada di año, unda tambe nan ta probechá pa gradisí tur partisipante i miembranan di FDK/FeDaKor, alabes deseando un i tur un felis kambio di año pa tur miembro i nan familia i tambe demas amanten di deporte i Kòrsou en general.♦